

民國上海縣志卷九

教育

學校上

敬業中學校在老學前聚奎街聚奎里縣立第一小學校東原名敬業學堂光緒二十八年改設見續志基地一畝七分七厘原為第一小學

校產出租朱姓民國十一年冬校長潘寶書為便利學生升學計建議於勸學所將出租地收回建設經所長李宗艸核准即委潘寶書籌建翌秋校舍落成用銀三萬圓九月開學定名為上海縣立敬業中學校分初中高中兩班高中分普通科土木工程科

務本女子中學校在黃家闕路光緒二十八年邑人吳馨創辦見續志民國五年秋以附設於第一女子小學校之小學教員講習所改組經

上海縣志

卷九

費由教育局支給分初中高中兩部高中分普通及師範科共十二級

右中學

縣立第一小學校原名官立敬業高等小學校在舊學宮基見續志民國二年改稱上海縣

立第一高等小學校十二年八月改今名校地六畝一分三厘民國以來以學生日眾屢次添建校舍元年改建西院前後埭為洋式樓房八幢二年改建前廳為洋式樓房十一幢三年購校前俞姓屋地建室內體操廳兼作大禮堂四年改建前埭平房為宿舍計樓房十七幢七年改建校門及後埭新屋十二年就後操場添設大禮堂改建前操場為樓房計全部校舍可容學生千人

縣立第二高等小學校原名震修在楊家渡東市常年經費以知縣捐廉及

穀息茶捐棧捐爲大宗不敷由普育善堂補助見續志 改革後知縣捐

廉及穀息均停止茶捐棧捐亦難續收普育堂屬上海市慈善團不能以餘資供市區小學之用民國元年收歸縣有名上海縣立震修兩等小學校任顧昫爲校長二年經縣議會追認改名上海縣立第二高等小學校改初等科歸市立以符江蘇省暫行小學校令之規定並經市議會通過定名市立第三初等小學校校長由顧昫兼任經費縣市分任三年租校東田二畝二分爲學校園設備及歷年經常費均取給於宿舍餘款不支公費四年購校北田一畝一分建教室樓房七幢又平房五間走廊廁所等用銀七千五百六圓六年租校北田七畝八分爲農事試驗場延農業專科教員九年購校東南張姓舊屋二間半並基地一畝一分用銀一千二百圓十年購校北田六畝一分用銀二千五百六十一圓十

上海縣志

卷九

二

一年建宿舍平房兩進每進十間及走廊等用銀九千三十六圓其款由學校自

行籌集分年在宿舍餘款中清償者五千元向附近紳商暨校友捐募者三千三百八十六元又利息一百七十五元勸學所補助四百七十五元總計十二年中疊經購地建屋設備漸見完善計辦畢業高等科十屆共一百七十九人初等科七屆共二百五十二人

縣立第三小學校在公共租界北河南路民國十二年二月開辦以天后宮後埭屋爲校舍

縣立第四小學校在閔行西浦濱中等農業學堂舊址見續志 民國元年

校舍燬於火三年重行建築新舍兩埭前爲教室後爲宿舍是年秋創辦縣立乙種農業學校十一年附設農村師範一級初中程度十二年改今名

縣立農村師範講習所民國十一年就縣立乙種農業學校餘屋設立
招收學生一級修業期二年十三年七月畢業八月改稱爲縣立師
範學校招收學生一年級修業期三年十六年七月畢業後停辦

縣立第一女子小學校

原名務本女塾

在黃家闕路

見續志

民國元年停辦一學期

秋季開學二年秋創辦人吳馨將校產捐歸縣有改稱縣立第一女
子高等小學校高等科分文科理科三年增文學科一級秋設女子
甲種小學教員講習所改文學科爲師範講習科初等補習科爲附
屬小學科四年八月建操棚四間

用銀二千四百圓

停辦師範講習科一級增

國文專修科五年秋改小學教員講習所爲縣立務本女子中學校
以國文專修科改中學兩班初小兩級改稱補修科六年增中學爲
三級高小爲三級

分四教室

七年九月建教室兩幢走廊披屋兩間

用銀五千七百十三

上海縣志

卷九

三

專供補修科之用增中學一級八年至十年中學高小各四級初
等補修科三級十二年秋行新學制舊制中學三級新制初中一年
級分甲乙兩組二年級一組改高等小學爲縣立第一女子小學校
六年畢業前期四級後期兩級

三教室

十三年秋減舊制中學一級增

新制中學兩級

初中一二年級均分甲乙兩組三年級一組

小學部仍舊

方還記 務本女塾在滬西黃家闕路創辦於前清光緒二十八年辛亥鼎革地方未靖故於民國元年
春季停辦一學期秋季繼續開辦設高等科甲乙兩組高小科三級初等科一級二年秋創辦人吳馨以
校基房屋校具捐歸縣有改稱縣立第一女子高等小學校學級編制爲高小三級初等補修科一級分
高等科乙班爲高等文科高等理科作爲高小補習科民國三年增設文學科一級是年秋設立女子甲
種小學教員講習所改文學科爲師範講習科兩級並改初等補習科爲附屬小學科分二教室四年八
月重建早操棚四間(價格二千四百元)是秋減師範一級增設國文專修科初小高小各級如舊五年
秋季改小學教員講習所爲縣立務本女子中學校以專修科改設中學兩班初等兩級改稱補修科六
年增中學爲三級高小爲三級四教室七年九月新建教室兩大幢走廊披屋兩間(西式樓房價格銀
伍千七百十三元)專供補修科用增中學一級自八年至十年爲中學四級高小四級初等補修科三
級 務本女塾自民國十一年起各級編制均仍舊貫十二年秋季試行新學制舊制中學三級新初中
一年級甲乙兩組二年級一組改高等小學爲縣立第一女子小學校六年畢業前期四級後期兩級三
教室十三年秋減舊制中學一級增新制中學兩級(初中一二年均分甲乙兩組三年級一組)小學部

編制仍舊

方還記 師儒之尊盛於漢代碑碣麟 肇自門徒姓氏聯蟬風尚古已更數千祀流風淒沫師不古若世無降禮問生名世往史希蹤慨焉興歎風教衰矣吾國女學始昌羸秦而降嬪教不行中樞之子罔有師承內茂不昭曷以端化先生渺焉匹夫憂世心遙羣寐一聰肇建女塾輝輝海濱覃葛志勤揭櫫務本從之雲風歸而敷教達於陬澨先生勞善不私功成不居斥金十萬更爲縣學出膺里社勸忠損年其弟子莘莘懷德勿諼教誨式穀齊於生我將以代石樹學昭示方來記云織祀先蠶農祀先嘗曠之百代興感敬禮况於身親受業薰德善良者乎卓彼羣彥其猶古之道歟先生名馨字懷疚上海人 銘曰坤乾之義二儀並尊女統於男古義滋泯風詩正葩乃閑厥家不有王睢罔應騶牙翼翼先生東南大 師女學是興四方是儀師之不昌有教斯弘教之始孩有覺其蒙舉世不爲夫民是任祥鳳一鳴百聲破暗海水湯湯海山蒼蒼景行曩修讚歎流浪我銘其石我媿厥德同心異軌欲從罔克

右縣立小學

市立養正小學校

原名官立養正

在北張家衛

見續志

民國元年二月歸市立專辦

高小二年改爲高初兩等原有校地一畝六分元年購程姓地三分三厘建平屋三間大門移建南首六年購東南隅吳姓地四分六厘六毫建樓房四幢十二年組織小博物館規模粗具

市立梅溪小學校

原名官立梅溪

在蓬萊路

見續志

民國元年歸市立原有校地一

上海縣志

卷九

四

畝三分八厘一毫不足擴充秋購西隣曹姓地三分八厘三毫建教室樓房八幢餘地闢爲運動場并建雨中操室六年十二月開四十週紀念會大總統頒額曰成績卓然江蘇省長頒額曰學津先覺八年七月校友會以校舍不敷就原有雨操室籌款翻建三層樓上爲校友會事務室中爲教室下爲雨操室題其額曰景姚

沈寶昌頌詞 今日爲上海梅溪學校四十週紀念寶昌蒞任是邦躬與盛會無任榮幸茲將梅溪學校之特點爲在座諸君約略陳之溯梅溪學校之歷史實導源於正蒙書院時清方以科舉取士地方學子日醉心於帖括之業獨經甫張先生與二三同志仿安定分齋遺意以教授諸生其間所編課程國文而外兼授歷史地理算術物理時務詩歌非今日學校中所謂智育乎所定校訓六條曰和厚曰肅靜曰勤奮曰精熟曰敏捷曰整潔非今日學校中所謂德育乎他如投壺習射擊球超距衛生習武諸科目非今日學校中所謂體育乎七日一休沐總稽六日問之道德學問而尤注重於立身行己非今日學校中所謂實踐教育與自動主義乎凡此數者在今日學校始行之而經甫先生已揭示於四十年前以前遵先民之矩矱度學校之津梁此其特點一凡民可與樂成難與圖始經甫先生創設正蒙書院時滬上猶風氣僂陋詭爲不合時宜獨能力闢羣疑苦心措拄嗣因成效漸著學者漸衆於是關道邵公友濂爲之購地築屋規模始備以臨梅溪改名梅溪書院確立今日學校之基礎具俊傑之卓識振頹靡之學風此其特點二人事變遷桑田滄海海上昔日著名之校如方言館兵工學堂今日已成陳迹其他私人設立之小學相繼停辦者更不勝俚指獨梅溪舊同學一秉經甫先生之遺訓有舉不廢盡力保存中間雖因官

歎停止於民國紀元後改歸上海市立而校中組織猶恪守經甫先生手定成規樹久遠之宏模範狂狷以正軌此其特點三今者梅溪學校校友會舉行四十週紀念大總統特頒成績卓然江蘇省長復頒學津先覺額一以彰先生之典型一以示後學之楷模但願梅溪學校之職員學生以及我上海辦學諸君子人人以經甫先生爲法不避艱難不畏疑謗矢之以恒心持之以毅力爲教育界放一異彩雖謂今日梅溪學校之紀念不止梅溪一校之紀念而亦上海全邑學校之紀念也可

黃炎培頌詞 梅溪學校故書院也創之者爲張經甫先生念教育必基乎蒙養因組織斯院師古小學之意參以西國學校之法國文史地外兼課格致西文既而清廷廢科舉遂正名曰學校吾國教育上海發達最早而上海小學梅溪實開其先於今蓋四十稔矣此四十稔中國家幾經變故教育生機摧殘殆盡梅溪亦幾停辦而今竟如故且繼續進步無已此固上海教育行政當局維持之力而亦職教員諸君能發揮其精神取信於社會有以感而致之也比者職業教育之說興主張小學兼施實業教練梅溪於是增課商業關學校商店爲實施職業陶冶地知其主校務者又不屑屑於墨守舊章而能應時勢之需要改良其教育方針也則其未來之發達寧復可量今月二日校友會發起四十週紀念會大總統江蘇省長均題額以榮之炎培以事未能參與盛典敢序其事以爲頌

梅豫振記 今海內學校衆矣盛矣若我梅溪者固無足異然四十年前世方醉心於帖括科舉之業烏有所謂學校者我師張經甫先生煥綸獨鑒於中外強弱人才消長之勢慨焉以興學自任而梅溪學校迺於四十年前卓然爲今日風氣之先導學者既歌頌張先生不衰而方其經營締造資之財以促成之者尤莫不以前校董姚右孫天來之功爲多自開創以暨成立屋舍之租建新費之補助月靡鉅金數歲無倦色又盡遣其子弟就學以爲衆倡由今日視之其事又無足異也顧當梅溪初年謠謗騰沸若異言異服之背於時非聖無法之戾於道去之若將浼焉而姚先生始終毅然力扶植之惟恐不及此豈易言者哉抑士大夫稍席豐厚則先急其飲食衣服宮室妻妾之奉或濫作布施以徵幸於冥漠之途或謬爲煦子以弋譽於慈善之業若其成效不逆賭名利無私覬即廢然返耳以其辛苦積累之資投之寂寞寡昧之學校而無所吝若姚先生者有幾人歟今梅溪名曰盛學者亦曰衆校舍恒苦不足姚先生仲子紫

上海縣志

卷九

五

若曾綬方長我梅溪校友會復創捐千金就雨中操場建樓三層爲講堂增置校具燦乎大備不足則市學務科助千元校友會助千餘元再不足則由紫若獨力募集千元以底於成同人既多紫若之篤承先志又重念姚先生之功德懼夫歲久而實勿彰爰以景姚額其堂而督豫振爲之記車臺之詩曰景行行止考槃之詩曰永矢弗諼其斯之謂也後之來者觀於吾文而興起以相繼於無窮則尤梅溪之大幸而姚先生且益以不朽也矣

市立和安小學校在成都路

見續志

民國二年一月歸市立原有高初共

七級八年八月增至十四級校舍不敷六年四月續租棲流公所北面餘地建第二校舍計西式樓房五幢九年四月於第二校舍後建雨操場一所十二年七月再租棲流公所西面餘地建築第三校舍計西式樓房四幢雨操場一所前後共租棲流公所基地四畝五分七厘七毫設商店於校門左側木工場於大王廟前接官廳舊址出品多學校用具成績頗佳歷受省視學優評七年六月教育部特給四等獎章

市立萬竹小學校在九畝路見續志民國元年校舍落成增初等科兩級商業科一二年級各一級七年秋增初等一級補習科一級八年秋增商業三年級一級十二年秋添招高級小學生兩級成立時北部建築樓房十二幢雨操場一操裝室一司閩室一校役室一皆平屋六年七月改建操裝室爲樓房兩幢七年七月改建雨操場爲樓房五幢十二年七月在樓房之西接建樓房三幢連女校共地六畝七分五厘七毫至此已無擴充餘地校長嘉定李廷翰歷受部省視學優評政府獎勵八年教育部發表國中優良小學計十一校萬竹與焉九年李校長他就去職繼其任者爲朱開乾女子部亦於是年分辦

市立萬竹女子小學校在九畝地萬竹路民國元年市自治公所創辦

上海縣志

卷九

六

初賃獅子術徐姓屋爲教室至六月本校舍全部落成分六教室三年添建樓房一幢四年劃操場西南隅地建平房一間五年建樓房一幢自元年至九年男女兩部由李廷翰一人主持解職後委李廷慧繼任女校

市立巽與小學校原名南區第一在外倉橋東茅山殿見續志校地三畝七厘民國

元年建樓房十幢平屋五間室內操場一所與崇正小學合而爲一兼辦乙種商業原有義額四十名仍擇貧寒子弟減免學費四年設商品樣本室蒐集各項國貨商品藉供研究並設商業實踐室十二年春添建平房四間爲教員臥室

市立西成小學校見續志在蓬萊路民國元年改歸市立因校舍不敷將原有半涇園明性庵萬壽宮撥充校舍三年拆去門埭改建樓房九

幢校分男女兩部男生由蓬萊路出入女生由文廟路出入校基計地七畝八分六厘一毫十二年起改組完全小學

市立時化小學校在淘沙場

見續志

民國元年歸市立教室借陳忠愍公

祠餘屋以不敷應用元年就祠西隙地建平屋四間復於其南建平屋四間爲司閻室應接室等十年夏將南首平屋翻建樓房四幢並

建大門

用銀三千八百圓

十一年夏翻建北首平房爲三層樓三幢半並建走

廊

用銀八千九百圓

奚敬堯記學生蔣長庚刲臂療親事 六年五月

蔣生長庚年十五去年八月始來校就學入三年級朝夕孜孜不數月學允進試輒冠其曹任級長遇事合規則恂恂好禮職員同學交口稱譽之入學後曾未輟一課本年春假開學生忽缺席訝而詰諸同學有謂其父病甚劇者顧迷離恍恍語莫能詳午後蔣生來請假見其容顏憔悴幾爲驚叫且眉宇間蘊無窮慘澹意蓋不待啓齒早知其重有憂矣詢之則曰我父年六十供職錢業公所垂四十年月博微薪爲一家謀衣食不幸日前突患中風臥病不能興幸先生准假二天俾盡侍奉職也越二日生復來面龐消瘦特甚且益灰敗兩目腫赤淚被於頰泣且言曰父病後急延醫診治藥數進而未奏效晚間益以喘息家中又少人調護故目不交睫者數晝夜前晚父喘益急時夜已深急無治法不得已私跪庭中求默佑

上海縣志

卷九

七

於神祇又覓取小剪自刲左臂肉寸許剪鈍肉不遽下力持再四始得裂巾裏創特置罐中付姊妹未之覺煎以奉父父服後神色頓霽痰亦盡哇出深幸區區之衷獲福於天不意昨晨忽復轉劇竟至於逝世也蔣生述至此哽咽幾不成聲蓋傷於心者深故發於外者未由自制敬堯聞其事敬其爲人擬卽爲文表之而蔣生以爲不可且曰父在不能分勞父歿未克盡禮若以此事遂勞稱述茲因父病而博美譽不重滋吾戾乎嗚呼何其志之沉篤而言之謙退也晚近以來世風澆薄綱紀陵夷孝親敬長之道求諸士大夫且不易而於童稚得之亦大足以風世矣敬堯既攝影以範全校學生復念有造於一鄉一校者尤小而繫於世道人心者綦大縱欲不言情何忍已乃不厭求詳識其顛末如右如荷當世君子進而教之幸甚

市立隆德小學校

原名東區第一

在老白渡風神廟

見續志

民國元年改歸市立十

二年八月照新學制編製改辦完全小學校基占地四分三厘三毫建築四層樓下爲室內操場上三層樓設九教室

用銀一萬四千元有奇

市立崇正小學校

即崇正西南官塾

在大南門外大佛廠街送子庵民國元年歸

市立建樓房四幢基地二畝一分六厘四毫合級教授不收學費

市立農壇小學校在滬軍營先農壇舊址民國元年春由市政廳設立初租大穰里民房爲校舍就先農壇舊址建築樓房四幢平屋四間

七月校舍落成十二年遵新學制改組完全小學設六學級添建教室兩幢後廂一幢

市立東明小學校

見續志

民國元年遷入福佑路雷祖殿仍由毛經疇經理二年春改歸市立六年十二月丹鳳樓住持楊承業願將房屋基地歸公由校償還銀七百二十圓基地六分六厘二毫

市立倉基小學校

原名羣學會附屬義務小學

在中華路白糧倉舊址民國元年二月歸

市立仍借羣學會前埭是年十二月請撥求志書院基地建築校舍二年四月批准訓令市政廳照案儘數收管八年二月羣學會收回自用遂解租約另租藥局衙民房爲教室十年租用慈善團之省立第五工場舊屋

市立朝宗小學校在地藏庵原係崇正東塾改革後經費無着由十五

上海縣志

卷九

八

鋪商團維持民國二年與鄰近東華義務學校合并改歸市立以近朝宗門舊址故名朝宗校基地一畝八分八厘四毫

市立高昌小學校在高昌廟民國二年由市政廳設立假老君殿爲校舍夏滬南戰事起校舍爲兵隊所駐中輟半年三年春另賃民房繼續開辦

市立比德小學校在辣斐德路

亞爾培路口

民國元年由市政廳設立十二年

秋改組完全小學校基二畝五分三厘八毫

宣統三年德文醫工學堂與城自治公所調換者

初建

教室二小屋二三年春添建小屋二九年秋添建教室二小屋一教室六

市立江境小學校在江境廟後

見續志

民國元年改單級爲複式租用民

房三間

市立旦華小學校在旦華路志見續民國六年一月郁紳懷智推歸市立八年秋改建三層樓新舍十年秋復建新樓三幢基地一畝二分四毫

市立暉橋小學校民國六年春初設租用民房十一年市經董辦事處購買李姓地二畝四分作校基尙待建築

市立貧民小學校志見續民國元年二月改爲代用二年七月仍歸私立

五年一月歸市立校舍係印花公所基地八分六厘七毫充用

市立第一小學校民國九年春初設以西成小學大禮堂爲教室單級編制不收學費

市立第二小學校民國九年春初設假文廟崇勉堂爲教室單級編制不收學費

上海縣志

卷九

九

市立第三小學校民國九年秋初設假教育局東偏餘屋爲教室十一年春接收學生會所辦之義務小學校爲第二部償學生會校具費銀五百二十圓租用

西白漾弄慎德里民房十二年春改爲完全小學不收學費

市立第四小學校民國十年春初設校舍初假喬家柵民房嗣遷麥家街

市立第五小學校民國十一年春初設初賃沙場街奚姓房嗣遷談家街王宅複式編制

市立第六小學校民國十一年秋初設租用陸家浜三角街民房十二年秋照完全小學編制

市立第七小學校民國十一年秋成立租用東唐家街陳姓屋爲校舍後遷魚行橋南堍東首

市立西外小學校在唐家灣民國十一年秋邑人諸文綺捐貲創辦十二年秋改歸市立照完全小學編制

南區小學校在蘆蓆街見續志民國八年改爲義務女子小學經費由邑人穆湘瑤獨任十二年後改市立

右市立小學

先春小學校在孫家衛先春公所見續志經常費由市公所於茶捐項下撥用

愛羣女子小學校在蓬萊路民國元年春由袁希濬創辦假用西倉橋民屋二年租市產小蓬萊空屋爲校舍九年集捐建樓房四幢添設中學分初中高中兩部市公所與教育局均有補助

西區小學校民國四年秋由王培生李廷翰等創設租用民房初在方

上海縣志

卷九

十

斜路後遷至林蔭路省教育會後十一年設分校於斜橋

陳涇小學校在陳涇廟民國三年邑人錢福田陳聯章等籌捐創設初假廟屋爲校舍四年冬就廟後餘地建築教室一教員室一圍以竹

籬用銀四百七十二圓五年請准於附近七五四二四圖中田地買賣抽收中費五厘作爲經常費十二年夏添設教室一用銀四百九十圓改爲複式概免學費

竟成小學校在二十七保七圖法新租界巨潑來斯路民國十二年初

設里人陳聯章購地九分四厘五毫用銀一千四百二十二圓捐爲校基並捐銀一千圓與士紳捐建校舍計教室一教員室一役室一連地價共用銀五千二百三十圓經費由民國五年陳涇小學請准之五厘中費不收學費

貞元小學校在老學前見續志民國元年改爲代用按月由市政廳補助

經費十二月取消代用由邑人林祖潛王植善繼續辦理
閩範女子小學校民國二年由林祖潛王植善創辦假節孝祠前廳爲
校舍

吉雲初級小學校在邑廟大殿東公廡廳民國元年由邑人陳肇昇陸
琦等勸設初名吉仁七年以經費竭蹶由花業吉雲堂董事沈惟耀
出而維持改今名由吉雲堂撥公款補助

甯波旅滬同鄉會第三公學在西門路三慶里民國九年九月由會董
張讓三方椒伯陳蓉館孫梅堂等創設經費由會籌撥

甯波旅滬同鄉會第五公學在肇嘉路東段民國十年二月初設經費
由會籌撥

甯波旅滬同鄉會第六公學在篾竹街荷花池民國十一年八月初設

上海縣志

卷九

十一

經費由會籌撥

四明第一義務小學校在法租界民國路四明公所內民國九年二月
由四明公所開辦不收學費並給書籍紙筆等物經費由公所支撥
基金一萬五千圓

精勤第二學社在林蔭路民國十一年勸設

育羣小學校在方斜路民國九年女士趙穎勸設

尚德初高等小學校在大吉路民國七年勸設

貧兒小學校在二十五保十三圖五聖堂民國八年邑人李祥發康錫
元談銀泉陳金裕張叔華等勸設

民生女學校民國元年女士胡韞吟祝淑敬籌款勸設初賃南陽橋民
屋爲校舍三年遷寶昌路仁和里

滬南慈善會義務小學校在薛家浜口民國十一年會董朱世杰及子寶宗集同志二十餘人各認常年費五十圓創辦是校專授初級不收學費

七舖義務小學校在大白柵東華道院內民國二年四月邑人沈宗約初設單級編制夏應堂顧馨一葉鴻英衛芝山胡慎堂等各認常年經費

浦東中學附屬小學校在浦東六里橋見續志民國元年將南部房屋畫歸中學以第一初小教室及校後中學教職員臥室歸校用四年八月遷多稼路海運局屋六年四月購局地及屋七年建校舍樓房九幢辦事室三開雨中操室四間食堂浴室廚房等十一間八年十二月收購租用之操場地十二年四月將舊有底賦堂屋改建樓房五

上海縣志

卷九

十二

幢另闢新校門並見浦東中學

女子職業補習學校民國十三年二月女士鍾陸亞雲創設租民國路民國里民屋爲教舍後遷高墩路餘慶里學級課程均同小學

初級小學校在小南門北見續志注重家庭生活故與尋常小學小異十二年增幼稚級

商船小學校在馬家廠商船會館見續志民國元年裁高等二年春設商業補習科十二年秋改稱商業科

思敬小學校在西姚家弄朱氏宗祠民國五年八月由沛國族會創設宗祠堂額曰思敬故以名校經費由朱氏公欸撥助

清真國民學校清光緒三十四年開辦民國元年清真董事會哈少甫金星白及學董沙善餘伍特公等擴充定名爲上海清真務本兩等

小學校附設於穿心街清真寺七年春遷西倉橋街清真西寺改今名九年改建教室經費由馬乙棠集合同志捐助

水果業華實高等小學校在福佑路水果公所見續志六年遷裏毛家術

新公所經費由水果業公欸項下支撥

潮惠小學校在久大萬聚兩碼頭間潮惠會館民國二年八月粵人郭輝鄭芳鉞陳開日創設經費由會館支撥四年六月教育部總長湯給三等褒狀十二年四月黎大總統給有功庠序額

滬紹水木業私立通惠小學校在打鐵浜西見續志民國二年改今名

留雲學校在陸家浜見續志民國七年秋建新校舍十幢於留雲蘭若後翌春遷入

志明學校民國元年邑人丁立鈞創設在肇嘉路登雲橋今遷姚家菴

上海縣志

卷九

十三

術十二年添設高級學生家寒者免費或半費經費由校董姚文枏李味青王濟川范回春等任之

泉漳小學校在製造局西泉漳別墅見續志民國二年秋遷外鹹瓜街泉

漳會館更名泉漳高等小學校四年教育部獎給蒙養攸資額十二年更今名凡泉漳府屬龍溪同安海澄三邑籍子弟概免脩膳費同府異縣者免脩不免膳

羣賢女學校在花衣街施家術民國五年春邑人喬本立創設分初小高小兩級十二年上海市公所補助費年二百圓經常費由本立籌墊

珠玉業學校在侯家路珠玉業公所民國八年珠玉業董張秉鑫創設分初小高小兩級新建校舍經常費由同業擔任學生免費者恆占

學額半數以上

郁氏普一義務小學清光緒三十四年邑人郁懷智創設初在旦華路民國二年購船浦濱移設船上以便附近棚船中貧兒就學棚船被逐停辦六年五月將借設於洒掃局之普三小學改稱普一另設普三於肇嘉路沈宅

郁氏普二義務小學清宣統三年邑人郁懷智借大境關帝廟創設

郁氏普三義務小學清宣統三年郁懷智借洒掃局初設六年改稱普一遷肇嘉路沈宅十二年遷王家碼頭裏街

郁氏普四義務小學在九畝地青蓮禪院民國元年郁懷智創設

郁氏普五義務小學民國六年四月郁懷智創設初在滬杭火車站左近後遷黃家闕路南永興街九年遷南倉街施家術新購校舍

上海縣志

卷九

十四

郁氏普七義務小學民國六年十二月郁懷智創設初以普五學生日衆增是校於附近十年六月遷南張家術新購校舍十二年改建新舍

附記 上列六校外另有普六義務小學在法華鄉各校學額初定各二十名專收貧寒子弟不取學費並給課業用品民國六年冬郁懷智卒遺命子孫永久繼續辦理十二年擴充學額各四十名然實際仍多溢額屏翰興學碑亭在縣立公共體育場上海市經董陸文麓建

敦仁小學校在民國路五金洋貨公所同義善會清光緒二十七年與同義善會同時開辦專教五金洋貨業子弟民國七年改建三層樓校舍

羣學會幼稚園民國十一年羣學會創立即設會中分甲乙兩組

右上海市私立小學

幼稚園附

市立飛虹小學校

原名飛虹義務

在二十五保頭圖文昌閣

見續志

校基七分一釐

八毫校舍樓房七幢平屋七間基本金銀四千圓由前校董邑紳王豐鎬存放生息作為常年經費入民國後利息無着全恃收入學費十一年四月改歸市立十年改建校舍

市立第一初級小學校在閘北二十七保十圖市公所民國元年成立校舍三間均係舊有單級編制

市立第二小學校在二十七保十一圖漢中路集義里民國四年秋由市經董辦事處賃屋砌設複式編制

市立第三初級小學校在二十七保十一圖民國九年春市經董辦事

上海縣志

卷九

十五

處設立校舍租用大統路發祥里民房複式編制十年春遷新民路興業里

三育學校在新閘路平江公所東

見續志

民國十二年黃慶瀾捐資建新

校舍於舳板廠橋北恆通路設備完全

上海共和女學校民國元年八月靖江祝鴻達創辦初賃熱河路民屋為校舍十一年遷甘肅路德興坊

市民公學民國七年春青浦人孫啓英創辦初名志英乙種商業學校賃閘北恆通路恆通里屋為校舍秋改稱競新兩等小學校八年遷恆豐路敬業里十二年夏改今名添夜課日課學費半係免收夜課則完全不取

甯波旅滬同鄉會第一公學在公共租界七浦路豫順里民國四年八

月由會董洪承祁等創辦專收甬籍兒童九年秋添設高級經費由會籌撥

右開北市

市立高等小學校在二十九保六圖新涇鎮民國八年邑人沈寶寅顧鏡清顧祥鷹顧視清王緝熙劉志濂任敬承曹九思楊春膏王臨照王臨鈞趙登鰲沈克由潘紫綬等發起購置校地六畝六分一厘七毫用銀一千四百八十圓建校舍樓房八幢平屋二十五間用銀一萬六千五百二十二圓經費由市經董售出二十八保南十二圖義塚一方及義渡公地得銀五千圓餘由發起人及紳士捐助十年春校舍落成共分高級教室二初級教室四操場校園寢室廚房俱備經常費由圖董五厘中資捐項下撥用

上海縣志

卷九

十六

市立第一初級小學校在新涇鎮清光緒三十二年邑人沈寶寅潘上珍勅設校舍用關廟餘屋民國十年春遷新校舍校地畝分詳見高小計平屋十

一間用銀三千圓經費由田畝帶徵項下撥用

市立第二初級小學校原名虹溪在虹橋鎮見續志民國十一年添建校舍三間

用銀四百五十圓有教室三會客室一教員室一西廂爲六區警察派出所借用

市立第三初級小學校原名贊育在華漕鎮見續志民國十二年購地一畝五分

八厘七毫用銀二百圓十四年建築校舍五間用銀二千五百元經費由田畝帶徵項

下撥用

市立第四初級小學校原名江橋在江橋鎮見續志民國十二年購地四畝六厘

七毫用銀四百十圓建校舍六間用銀二千五百三十一圓經費由田畝帶徵項下撥用

市立第五初級小學校民國元年邑人王萃馨假王氏祠初設十三年秋在二十九保西二圖井亭廟購地二畝五分一厘七毫用銀二百八十元建

築校舍五間用銀一千八百九十元經費由田畝帶徵項下撥用

市立第六初級小學校原名梅源後改九十圖在朱家庫見續志初係私立賃屋創設民國元年改市立

市立第七初級小學校在二十八保十併十一圖假周太僕廟東廳單級編制民國二年改市立

市立第八初級小學校原名莊敬在楊家巷見續志民國十二年冬購置校地二

畝八分一厘八毫用銀四百五十圓建校舍五間用銀二千五百圓經費由田畝帶徵項下撥用

市立第九初級小學校在二十九保一圖王滿泗橋原名虹北民國八年邑

上海縣志

卷九

十七

人朱靜卿賃屋初設九年購校地三畝七分一釐一毫用銀七百五十圓建校

舍五間用銀一千二百圓經費由田畝帶徵項下撥用

市立第十初級小學校原名曹渡在曹家渡見續志初用長生庵餘屋民國十年

購地一畝五分二釐六毫後以基址太小調換公地三畝二分八釐五毫十四年停辦

市立第十一初級小學校在王家樓民國九年初設假中天王廟爲校舍單級編制

市立第十二初級小學校在二十九保四圖王家寺民國十二年由市經董初設校地一畝五分四釐二毫用銀一百三十圓建校舍五間用銀一千九百二圓經費由田畝帶徵項下撥用

市立第十三初級小學校在三十保二圖諸翟鎮民國十年由市經董

初設校地一畝五分五毫用銀二千六十圓校舍五間用銀二千六十二圓分兩教室經費

由田畝帶徵項下撥用

代用頌和初級小學校在三十保南四圖長浜宅民國元年春邑人張友棠賃屋創設五年改代用

代用梅源初級小學校在福田寺民國二年春邑人姚才捐貲創辦用寺西廂為校舍五年後改代用

代用虞墩初級小學校在三十保八圖虞姬墩見續志假民房為校舍單級編制民國六年改代用

代用虹南初級小學校在虹橋鎮南蔣家塘見續志假民房為校舍單級編制民國五年改代用

代用安國初級小學校在安國寺見續志假寺西廳為教室單級編制民

上海縣志

卷九

國三年改代用

右蒲淞市

振華初等小學校見續志在華漕鎮民國三年春并入贊育歸市立

蒲淞市私立芳林初級小學校在三十保一圖芳林寺民國十二年春

邑人張斌創辦芳林寺正殿為教室單級教授

以上係蒲淞市私立小學

鄉立第一小學校原名法華在法華鎮西市積穀倉見續志民國三年承買倉房

計地六畝一分七釐共樓平房二十二間用銀一千八百圓為校舍九年將倉

廠改建教室兩垵用銀三百七十圓添設補習科一級十二年改組完全小學

分三教室複式編制

鄉立第二初級小學校原名興業清末郵傳部高等實業學堂監督唐文治

捐貲創辦民國四年歸鄉立五年夏遷翠竹庵七年鄉經董楊洪鈞沿虹橋路購置校地三畝三分三釐二毫用銀二千三百二十圓建平屋五楹小屋兩間外砌圍牆用銀二千六百圓有奇分兩教室經費由鄉公款支撥

鄉立第三小學校在二十八保八圖盧薛宅民國十一年鄉經董李

鴻翥創設購校地五畝七分七釐用銀七千二百四十五圓先建平屋五楹添建樓

房五幢及門房役室等三間用銀八千八百圓有奇初辦兩級十二年改組完全

小學分四教室經費由鄉公款支撥

鄉立第四初級小學校在小橋民國十一年春創設假蓬場廟廳事爲教室單級編制十二年冬購校地

私立楊村初級小學校原名何家角在西鄉何家角見續志用楊氏宗祠爲校舍

光復後經常費由鄉公所補助民國十一年起開支概由原發起人

上海縣志

卷九

十九

楊鴻藻楊樹源擔任單級編制

私立滙西初級小學校在徐家滙西徐宅該處係天主堂範圍教會學校外公家並無學校民國二年由徐聯科將家塾改良以補缺憾且捐校地校舍待建

私立普六初級小學校民國六年邑紳郁懷智創辦八年建新校舍於郁氏山莊外單級編制專收貧苦子弟不徵學費更給書籍

私立思本初級小學校在東鎮民國九年邑人趙錫恩奉父命移母八旬筵貲購地一方建廳事三楹爲教室中懸至性過人四字乃大總統題褒其父趙淦額也

私立嚴氏第二公學在二十八保八圖錢家巷東民國十一年邑人嚴裕棠秉承其父介廷興學之志捐貲購地五畝有奇建教室八間

樓房八幢可容學生六百名

用銀三萬四千圓

經常費由個人籌撥

私立志成初級小學校在曹家渡鎮

見續志

光復後經費由各商店籌集

補助民國三年停辦

私立啓新小學校在曹家渡民國三年里人王士霖黃曦等籌捐創辦

七年停辦

私立復智小學校在諸安浜後民國四年宋季生妻徐碧仙就京兆別墅中添建教室三招收鄰近兒童就學概免學費開支均由校主擔任

私立開明初級小學校在北十二圖曹家堰前民國十一年里人沈悅堂曹雲山等集貲創辦建築教室一大間教員室一間借用操場一方係徐餘慶產不取租金經常費由發起人籌撥

上海縣志

卷九

二十一

私立南洋義務學校在楊家庫民國八年秋由南洋大學學生會勸設專收年長失學者於晚間授課所給課本祇收半費

私立復旦義務小學校在李文忠公祠由復旦學生會勸設專收貧苦子弟分初高兩級高小畢業後每屆選送兩名升入中學不取學費
私立法華義務初級小學校在法華鎮西王省記樹牧場內民國十一年邑人王豐鎬創辦專收農民子弟普通學科外並略授農事知識
私立潘氏公學在柝榔路民國十二年里人潘聲濤建校舍創設不收學費開支均由校主擔任

國立南洋大學附屬小學校

見南洋大學

右法華鄉

鄉立引溪小學校在二十三保十一圖引翔港鎮

見續志

校舍用舊有文

昌宮屋民國二年添建樓房四幢用銀三千餘元計高級教室一初級教室三
經費由鄉公款支撥

鄉立楊樹浦小學校在楊樹浦路太平寺民國元年邑人王銓運創辦
初係私立二年秋改歸鄉立不收學費經費由鄉經董辦事處支給
單級編制

鄉立虬溪初級小學校在二十三保六圖瑤階弄初係私立民國十二
年春邑紳王銓運購地建平屋五間用銀三千餘圓分兩教室複式編制

鄉立培寒初級小學校在平涼路華盛路口民國九年由紗廠工會創
設購地一畝五分建校舍七間計三教室經費均由紗廠工會同人
捐募十二年夏歸鄉立

鄉立虹北初級小學校在二十三保正十九圖民國九年邑人周樹蘭

上海縣志

卷九

二十一

蔡耀祥創設由蔡耀祥捐校址地五分全維周捐入六分一釐復由
鄉公所購入三分五釐建平屋六間分兩教室用銀三千餘元經費歸鄉經董
處支撥

鄉立虹鎮初級小學校在二十三保十五圖虹鎮民國二年創設民房
為校舍四年建教室一十二年添建教室一複式編制經費由鄉經
董處支撥

鄉立江橋初級小學校在二十三保九圖楊家觀音堂北民國三年賃
屋創設五年購地建平屋三間經費由鄉經董處支給單級編制
鄉立胡家橋初級小學校在二十三保二圖胡家木橋民國元年假分
水廟創設十三年購置校地八分三釐七毫用銀二千八百兩建築樓房七幢

用銀六千三百餘兩計四教室經費由經董處擔任

代用虹口初級小學校在虹口老三官堂見續志民國二年邑人王銓運

籌款建教室二間單級編制至十二年增設一級改爲複式

代用勵志初級小學校在威賽路永和里民國六年春邑人王銓運等賃屋創設初係單級十二年改複式

私立澄衷小學校見續志詳見中學校舍特建共分十四教室複式編制

私立引南初級小學校在二十二保五十一圖沈家灘民國十二年春

邑人周成德沈爾晟賃屋創設嗣撥用鄉公款購校基五分四釐二

毫用銀一千五百一十圓建築樓房五幢用銀九千餘圓十三年改歸鄉立

私立崇義初級小學校在塘山路崇義善會內由項如松發起用崇義善會餘屋爲校舍經費亦由會中擔任初係單級民國十二年分三教室

上海縣志

卷九

二十二

私立同善初級小學校在虹口燮昌火柴廠後由項如松發起租民房爲校舍複式編制經費由私人籌撥

私立眉州初級小學校在楊樹浦眉州路民國十一年由邑人辛韻蘭及其妹素貞捐欸創設建校舍樓房三幢前爲花園廚房役室俱全單級編制經常費由發起人擔任

私立嚴氏第一公學在楊樹浦高郎橋嚴氏家祠內民國九年秋邑人嚴裕棠創設不收學費經費由發起人擔任

甯波旅滬同鄉會第二公學民國九年秋由會董張讓三方椒伯陳蓉館孫梅堂等創辦初設公共租界鄧脫路謙吉里十三年春遷同春里分初高兩級學生書籍及經費由會籌撥

右引翔港鄉

鄉立第一初級小學校 原名 漕溪 在漕河涇鎮城隍廟 見續志 民國二年改歸鄉

立校基三畝係城隍廟公產民國十一年建平屋七間 用銀五千一百八十七圓 邑

人楊心正張秀麒捐募銀一千圓餘由鄉公款支撥複式編制

鄉立第二初級小學校 原名 啓新 在二十六保二十五圖梅家街鎮 見續志 民國

四年改歸鄉立購校基地二畝 用銀六百圓 建樓房三幢平屋四間 用銀四千圓 邑

人張宗福梅宗泰捐募銀一千圓餘由鄉公款支撥複式編制

鄉立第三初級小學校 原名 育才 在二十六保十一圖潘宅 見續志 民國四年改

歸鄉立購校基一畝一分一釐 用銀一百六十九圓 十一年建平屋三間 用銀一千三百七十二圓

鄉公款補助銀五百六十圓餘由邑人陳醉六張安和張茂春毛鳳

池彭桂年等捐募單級編制

鄉立第四小學校 原名 蒙養 在二十六保十三圖龍華鎮 見續志 民國四年改歸

上海縣志

卷九

二十三

鄉立校基四畝五分 係漕河廟公地 民國五年建平屋十五間樓房一幢 用銀三千六百

圖 鄉公所補助銀八百圓餘由吳士英捐募分五教室初級單式高

級複式

鄉立第五初級小學校在二十六保南十四圖民國九年秋借陳氏宗

祠創設單級編制

鄉立第六初級小學校在二十六保二十五圖朱家巷鎮民國十一年

秋借泰山堂菴房四間創設單級編制

蔡氏義務小學校在吳家巷滬閔汽車路東民國九年七月由蔡氏宗

祠捐款賃屋創設十年五月購地建校舍五間專授初級不收學費

及課業用品經費年限五百圓支用蔡氏專款存儲之基本金息

右漕河涇鄉

鄉立第一初級小學校今名關港在十八保二九卅一圖關港民國元年春

邑人康永年賃屋創設二年改歸鄉立單級編制

鄉立第二初級小學校原名毓秀在十八保三十一圖曹行鎮見續志民國二年

改歸鄉立校基一畝一分有奇係原有公地校舍舊有兩間新建兩間複式編制十七年秋添建校舍九間潘姓捐校基地一畝四分

鄉立第三初級小學校今名板橋在十八保六併三十七圖民國元年秋賃

屋創設單級編制

鄉立第四初級小學校原名振新在二十六保廿八九圖甯國寺見續志賃屋創

設民國二年改歸鄉立特建校舍單級編制

鄉立第五初級小學校今名華涇在二十六保廿一卅一圖華涇鎮民國四

年秋創設校基係關帝廟舊址建樓房五幢平屋三間分兩教室複

上海縣志

卷九

式編制十一年改爲單級

鄉立第六初級小學校今名道南在十八保二區六并三十七圖民國十年

秋創設邑人姜叔英捐助校基地二畝三分吳守六捐銀四百圓建

校舍四間餘由鄉公所擔任單級編制

鄉立第七初級小學校今名許涇在十八保二十五圖許宅民國十三年賃

屋創設十四年建校舍四間用銀六百餘圓邑人許雲祥捐校基地一畝有奇

朱曉良捐銀五十元鄒同德同炳合捐銀五十元蔡增祥捐銀三十

元餘由鄉公款支撥單級編制

鄉立第八初級小學校今名車溝在十八保二十九三十一圖民國十三年

秋創設租用民房爲校舍單級編制

右曹行鄉

鄉立第一初級小學校 原名 雙溪 在十八保二十七圖校基三畝租本鄉保

節會產建校舍六間 用銀一千六百元 民國元年十二月創設十七年添建大

門廚房 用銀五百九十五元 單級編制

鄉立第二初級小學校 今名塘灣小學 在二十一保十三圖里人錢椒捐校基地

三畝又購民田一畝 用銀八十元 建校舍九間 用銀二千四十元 民國二年二月創設

十四年十月添建大門校舍七間 用銀一千九百一十元 複式編制十七年試辦完

全小學添建樓房五幢平臺二間 用銀三千四百六十元 四元九角四分三厘 邑人彭召棠捐基

地二分銀二百元何沛蒼丁及成各捐銀五十元調地售價一千三

百元教育局補助銀三百元餘由鄉公所撥助

鄉立第三初級小學校 原名 吳涇 在二十一保九十一圖校址係舊有斗姥

閣基又購民田一畝 用銀六十元 建校舍六間 用銀一千二百六十元 邑人丁光弼捐銀

上海縣志

卷九

一百四十元鄉公欸撥助四百元民國六年二月創設十七年春添

建教室二間休息室大門 用銀六百十五元 三角四分 複式編制

鄉立第四初級小學校 今名 湯橋 在二十一保七圖校基購民田二畝 用銀一百元

建校舍五間 用銀一千四百元 民國六年十月創設單級編制

鄉立第五初級小學校 今名 甘露 在二十一保八十圖校基係廟產建平屋

六間 用銀一千五百元 邑人孫景福捐銀三百七十七元蔣鴻聲孫祖貽各捐銀

一百十元餘由鄉公欸支撥民國六年二月創設單級編制十七年

三月添建大門及平房兩間 用銀四百三元

鄉立第六初級小學校 今名 觀濤 在二十一保十三圖陳宅民國十四年二

月賃屋創設單級編制十七年春購校基二畝 用銀二百一元 建大門及平房

五間 用銀一千六百五十九元

鄉立第七初級小學校 今名 培材 在二十一保五圖民國十七年二月賃屋

創設單級編制

鄉立第八初級小學校 今名 塘閩 在二十一保四十二圖帶丈張宅民國十

七年八月賃屋創設現特建校舍單級編制

右塘灣鄉

鄉立強敏小學校 原名 務敏 在閔行鎮西市積穀倉 見續志 校基二畝九分八釐

校舍平房二十一間 用銀六千元 樓房七幢 用銀七千元 分六教室鄉立第一初小

隸之校產則田四百十四畝有奇由鄉公所經理

鄉立第二初級小學校民國二年賃屋創設後遷入鄉公所內十年春

遷二十一保一圖校舍仍假民房單級編制

鄉立第三初級小學校 原名 荷溪 在十六保二十九圖荷港橋 見續志 民國二年

上海縣志

卷九

二十六

改鄉立校基三分七釐八毫校舍平屋七間 用銀一千五百元 分兩教室複式

編制

鄉立第四初級小學校 原名 鷺湖 在二十一保五十四五圖蔣祠 見續志 民國二

年歸鄉立八年邑人蔣世傑捐地三畝二分七釐 合銀四百元 建平房八間

用銀二千二百五十元有奇 分兩教室複式編制

鄉立第五初級小學校 今名 竹溪 在四十二圖光緒三十年邑人黃宗堅黃

申錫賃屋創設 見續志 八年邑人黃宗堅黃宗麟捐地二畝建平屋八

間 用銀一千六百九十六元 單級編制

鄉立第六初級小學校在十六保三十九圖吳會鎮民國二年創設校

基一分八釐五毫校舍修用廟屋四間 費銀五百餘元 單級編制

鄉立第七初級小學校在二十一保六九圖民國十二年賃屋創設單

級編制

鄉立崇實女子小學校在閔行鎮民國四年邑人李祖佑等創設初假李氏純嘏堂經費由鄉公款補助旋遷入鄉公所樓上十二年自治恢復再遷至強敏小學內改為鄉立

私立振華女子小學校在閔行鎮西街夏氏宗祠民國七年邑人夏建藩昆季創設以宗祠餘屋為校舍經費亦概歸擔負分三教室複式編制

右閔行鄉

鄉立第一初級小學校原名 顛區在十八保十八圖顛橋鎮用華陽廟後殿為校舍見續志分兩教室複式編制

鄉立第二初級小學校在十八保七八圖民國元年春創設用鎮江廟

上海縣志

卷九

後埭為教室單級編制

鄉立第三初級小學校在十八保十六圖孫宅民國九年創設九年改為鄉立單級編制十二年冬購地二畝九釐用銀一百四十元特建校舍四間私立紫岡初級小學校在十八保七八圖李宅民國元年邑人李秋泉等創設三年春并入第二小學校

私立育材初級小學校在十八保九圖沈宅民國八年春邑人沈志冲等創設單級編制

右顛橋鄉

鄉立第一初級小學校原名 北橋在北橋鎮明心寺祿玉山房見續志民國二年春改為鄉立十一年劃明心寺餘地二畝為校基建平屋五間用銀三千元有奇分二教室複式編制

鄉立第二初級小學校今名 在十八保二十二圖民國四年春創設用

野三官堂後埭為校舍單級編制

鄉立第三初級小學校今名 在十八保五十圖民國六年秋創設用草

庵後埭為校舍單級編制

鄉立第四初級小學校今名 在十八保十四圖民國五年冬購校基地

一畝六分用銀一百餘元

右北橋鄉

鄉立強恕小學校原名 在馬橋鎮中市見續 附設鄉立第一初級小學民

國十二年改為完全小學校

鄉立第二初級小學校原名 在十八保十三圖見續 民國元年改為鄉立

校舍仍假民房十一年冬在玉蟹橋東購置校基地二畝七分用銀一百十元

上海縣志

卷九

十二年建校舍四間用銀一千零五十九元

鄉立第三初級小學校原名 在十八保十圖白沃廟見續 民國二年秋改

歸鄉立用廟後埭為校舍廟地五十畝一分二釐均作校產由鄉公

所經理

鄉立第四初級小學校原名 在馬橋鎮東見續 民國元年改歸鄉立四年

春遷入公善堂後進分二教室

鄉立第五初級小學校原名 在十八保四十一圖公濟堂見續 民國元年

改歸鄉立單級編制

鄉立第六初級小學校原名 在青登廟以廟後大廳為教室民國二年

春創設單級編制地一畝二分八釐併廟田八畝五釐為校產由鄉

公所經理

鄉立第七初級小學校 今名孟晉 在十八保十二圖猛將廟原有廟基地一畝五分三釐四毫又購入西南隅民田八分 用銀五十元 遷移廟屋建築校舍 共用銀一千元有奇 邑人朱禮儉捐銀一百元餘由鄉欸支撥民國九年秋創設校基坐落十八保十二圖鹹字圩 三百一十一號則田八分八釐四毫三百一十二號則田一畝四分五釐 單級編制

鄉立第八初級小學校 今名三餘 在十八保五七圖民國十二年秋邑人張

孝穎捐田一畝四分八釐 契價銀六十元 建平屋四間 用銀一千零五十六元 前建校門並

圍墻 用銀八十七元 工竣開學

鄉立第九初級小學校 今名西村 在十八保一二圖民國十二年夏邑人張

秀實捐田二畝建平屋四間 用銀九百九十元 工竣開學

右馬橋鄉

上海縣志

卷九

二十九

市立第一初級小學校 原名洋涇 在二十四保四十八圖洋涇鎮 見續志 基地二

畝二分八釐餘建屋九間 用銀二千元 民國二年歸市立

市立第二初級小學校 原名蒙養 在二十四保二十四圖賴義渡東市 見續志 民

國二年歸市立

市立第三初級小學校 原名震修 在二十四保二十三圖楊家渡東市 見續志 民

國二年分初等小學部歸市立

市立第四初級小學校 原名社莊 在二十四保十八圖洋涇社莊廟 見續志 民國

二年歸市立

市立第五初級小學校在二十四保十九圖民國九年秋邑人韓儒宗

勸設校址一畝二分八釐建校舍三間 用銀一千六百元

市立第一女子初級小學校 原名私立競存女子小學校 在二十四保二十四圖賴義渡

鎮花園石橋民國四年秋邑女士盛競存賃屋初設六年改兩等九年歸市立祇辦初級甯波旅滬同鄉會第四公學在浦東陸家嘴民國九年初設學生均甬籍經費由會撥欸

右洋涇市

鄉立第一初級小學校原名高行在二十二保二十四圖高行鎮見續志民國二

年改爲鄉立校址約三畝建屋二間

鄉立第二初級小學校原名東溝在二十一保五十三圖塘工善後局見續志民

國二年改爲鄉立校址賃塘工善後局

鄉立第三初級小學在二十二保二十八圖民國元年春邑人顧澤堯孫燾初設二年改鄉立校址公地二畝餘十二年秋又購二分用銀五十元

上海縣志

卷九

三十

建屋七間用銀四千一百三十二元

鄉立第四初級小學校在高行南鎮民國元年邑人顧枚生顧培原顧景崧趙茂勳談壽基初設嗣顧枚生顧培原顧景崧顧錫麟於二十

二保三十四圖顧家宅合捐校址地三畝枚生培原各一畝景崧錫麟各半畝七年建校舍

四間用銀一千二百餘元遷焉建築費由初設者捐募

鄉立第五初級小學校在二十四保五十圖楊家街民國十年邑人談壽基隆培榮初設由凌世昌捐校址地二畝餘校舍五間用銀二千餘元凌世昌捐四百

元倪子上捐一百元餘均公欸

鄉立第六初級小學校在二十二保三十八圖民國二年邑人王筱松談壽基賃屋初設十二年由施雲卿捐校址地二畝建校舍五間用銀

一千九百餘元由王筱松黃甫源施雲卿施悅卿沈文卿等捐集遷焉

鄉立第七初級小學校在二十二保二十九圖馬路橋民國六年春邑人陳承祖談壽基賃屋勸設由陳承祖捐校址地二畝十二年建校舍五間用銀一千三百四十二元鄉經費五百元公款一百二十元外由朱秋江楊曉峯楊健菴顧枚生溫天熙陳鶴樓陳承祖黃佐才等捐助募集

鄉立第八初級小學校在二十二保三十四圖陸家宅民國七年春邑人陳安甫萬漢城租地勸設八年建校舍三間用銀七百五十四元由勸設人捐募

鄉立第九初級小學校在二十二保二十四圖陸家宅民國十二年春邑人談壽基高志昂勸設購校址地一畝二分用銀一百七十元

鄉立第十初級小學校在二十二保三圖鄒家宅民國十五年邑人鄒鳳山捐地一畝建造校舍三間用銀九百元

右高行鄉

都川小學校在二十二保六圖陸家行城隍廟見續志以廟基地四畝五

上海縣志

卷九

三十一

分五毫屋十二間爲校產清光緒三十一年陶錫年捐地二畝二分七釐三毫又購地一畝六分五釐用銀一百五十五元三十四年購五十二圖地

四十三畝八分二釐民國三年建校舍十五間用銀二千二百五十四元五分存地方特別會計處五百七十八元陶錫年募七百九十五元之外悉由公款公產處支撥

三修初級小學校在二十二保四十四圖金家橋鎮三官堂見續志以三

官堂基地四分五釐二毫屋五間又地一畝八釐七毫爲校產

振南初級小學校在二十二保五圖陸行鎮南見續志以法華庵基地三

十二畝屋三間爲校產

永甯初級小學校在二十二保八圖張家橋鎮見續志民國九年邑人王

椿年助銀千元朱炎助銀百元張松濤助地一畝八分校舍賃用

效范初級小學校在二十二保三十八圖民國三年邑人陶錫年王鎮

初設

培朝初級小學校在二十二保三十九圖民國三年邑人陶錫年王鎮
賃屋初設民國六年朱日宣助校基地三畝七分八釐三毫又購七
分五釐用銀六十元二角建舍七間用銀一千四百二元存地方特別會計處四百
十二元四角六分外悉由上海縣欸產處支撥

西新初級小學校在二十二保四十三圖帝敕庵民國五年秋邑人王
鎮初設以庵基地四畝八分九釐四毫屋十二間又地一畝四分爲
校產

東林初級小學校在二十二保七圖金家宅民國九年邑人錢慶清賃
屋初設

拱北初級小學校在二十二保三十八圖馬家術民國十一年邑人徐
桂庭賃屋初設

上海縣志

卷九

三十二

問道初級小學校在二十二保四十三圖慶甯寺見續志以寺僧助地四

畝五釐四毫爲校產

原係陸行鄉立於民國十年
始由塘工善後局擔任經費

右陸行鄉

鄉立第一初級小學校

原名塘橋

在二十四保十七圖

見續志

民國元年歸鄉立

七年購地二畝五分八毫九年秋建校舍七間

用銀一千六百
七十二元四角

鄉立第二初級小學校在二十四保十五圖民國元年春邑人盛麟書
高守智賃屋初設四年購地五畝餘十五年春就九潤庵公地建校
舍

鄉立第三初級小學校在二十四保二區十三圖嚴家橋南民國十二
年由鄉公所賃屋初設

鄉立第四初級小學校在二十四保二區十六圖西圩民國十三年由

鄉公所賃屋初設

浦東中學附屬第一初等小學校見續志 清光緒三十三年正月浦東中

學校校主楊斯盛開辦附設廣明高等小學校即以其食堂為校舍名曰附屬初等三十四年新校舍落成即遷入與廣明高小分立易今名民國元年校舍劃歸中學附屬小學另建新校舍

私立大東義務小學校在二十四保十四圖民國十四年邑人羅守賢獨資創設不收學費

私立立志小學校在二十四保十六圖張家浜口民國十七年由立大工廠姚潤鑠獨資創設

私立大來小學校在二十四保十四圖白蓮涇浜民國十三年英商大來獨資創設

上海縣志

卷九

右塘橋鄉

三林陳行楊思鄉立小學校原名三林 在二十四保六圖三林塘鎮東市文

昌閣見續志 民國元年建築校舍二年十年十一年迭次增建共屋六

十七間用銀約三萬元 舊校舍經火災未燬五間歸別用歛產見續志產之收入由學校聯合會管理審查預算後撥付

三林陳行楊思鄉立第一初級小學校原名三林分設第一小學校 在二十四保南六圖

見續志 民國五年購方一圖地三畝二分五釐五毫用銀一百八十元 建屋七間用銀

二千七百六十元 九年又建三間用銀八百元 均由學校聯合會支撥

秦錫田記 清宣統二年三林學校分設初等小學七第一校在廣益堂面水臨街為廣楹三無游息所無運動場誠淋漓蠶塵不可以居者也越三載三林新校舍落成就校門築屋四楹為第一校校舍顧學生日多教室不能容丁巳三月度地於古筠溪義學之西前控市廛後臨孔道交通便利便空氣清爽建屋七楹校園在左庖漏在右護以花木繞以籬籬八月始業學生雲集分班授課秩秩彬彬田乃進諸生而詔之曰斯校成立於今八年幾經改革幾經遷徙始定基礎成事蓋若是之難也然斯校之左非古之筠溪義學乎當儲璇氏創造之初室宇之崇閣設置之美備度必遠勝於斯其師若生朝吟夕誦史鑄經鎔造就人才之盛亦必遠勝於斯驟遭倭亂忽焉殘廢閱今三百餘歲而荒烟蔓草瓦礫縱橫當時志應之堂錢湛一氏之記已杳然無跡可尋蓋其人存則其政舉其人亡則其政息天下事皆如此耳雖然人

無百年不亡之身政有百世不息之道古之君子不憂其身之亡而憂其政之息鄭僑之於游吉蕭何之於曹參羊祜之於杜預罔弗汲引英才指授方略而其繼用之人又各竭其心思才力以步武其矩矱擴其規模保存其百變不易之宗旨故其鴻圖偉業奕葉常新雖無老成人尚有典型不愆不忘河山並壽可也今諸生聚集於斯游息於斯誦讀講貫於斯固與斯校關繫密切而有主人翁之資格者也諸生勉之哉美國之哈佛大學日本之慶應義塾畢業生舉全力以經營之故能日新月異名滿環球傳曰有為者亦若是又曰有志者事竟成吾願為諸生勗吾敬為斯校頌校地三畝二分五厘五毫購置之費銀幣一百八十元建築之費二千七百六十圓設備之費一百七十元都糜銀三千一百一十圓庚申春又就校園隙地建屋三楹又費銀八百元

鄉立第一初級小學校 今名海會 在二十四保北六圖海會寺前民國五年

鄉立第一初級小學校三間

鄉立第二初級小學校 今名五權 在二十四保天一圖民國六年邑人湯學

釗創辦校基三畝六分校舍七間 共用銀二千餘元公款捐助各千餘元

鄉立第三初級小學校 今名作新 在二十四保西五圖烏泥涇廟民國元年

邑人薛朗卿創設十一年邑人王振翔捐建校舍三間於廟左 用銀八百餘元

鄉立第四初級小學校 今名三民 在二十四保列四圖三林廟民國十年邑

上海縣志

卷九

三十四

人湯學釗趙履福李上達王裕忠葉峻德孫裕德借廟屋創設

鄉立第五初級小學校 今名東明 在二十四保北三圖民國十二年賃屋創設

鄉立第六初級小學校 原名懿德見續志 在二十四保三十一圖民國十三年改

為鄉立

鄉立第七初級小學校 原名瑞龍見續志 在二十四保三圖瑞龍庵民國十二年

遷羅神三官堂改為鄉立

私立代用黃二初級學校 見續志 在二十四保黃二圖民國六年改為代

用

秀實代用小學校 見續志 在二十四保黃二圖民國 年改為代用

方二初級小學校 見續志 在二十四保方二圖龐氏支祠周競偕龐錦龐

淞創辦經費歲由鄉公所補助銀一百七十元學生納費多寡不等

不足由周競籌措

貞固小學校在二十四保方一圖清光緒二十九年春邑人朱孔長等創設校基地二畝餘用城隍廟公地初辦兩等繼改初級經費初由發起人籌措後得公款補助民國十三年改爲鄉立第十

河塔國民小學校在二十六保二十八九圖民國七年邑人任思勤龐錦錢煥如等創設經費用蕩租款

右三林鄉

鄉立第一初級小學校原名仁巷在二十一保十六圖陳行鎮西市民國元年改歸鄉立二年又并本立見續志爲一校改今名

鄉立第二初級小學校原名競新在二十一保二十九圖塘口鎮中市見續志民國元年改歸鄉立校基二分八釐二毫係關帝廟產二年建平房四

上海縣志

卷九

三十五

間用銀八百圓又并二十九圖爲一校改今名

鄉立第三初級小學校原名題橋在二十一保二十八圖題橋鎮見續志民國元年改歸鄉立購校基二畝六分一釐用銀二百六十圓二年改今名十年建校

舍平房六間用銀一千八百四十圓由里人周承銘捐銀三百圓餘由鄉公款支撥

鄉立第四初級小學校在二十一保二十圖趙家蕩民國二年由鄉公所賃民房設立十二年購置民房用銀五百圓校基四分

鄉立第五初級小學校在二十一保三十圖斗姥堂民國二年由鄉公所設立校基五分八釐四毫保斗姥堂產

鄉立第六初級小學校原名鶴坡在二十一保二十五圖草庵見續志民國二年改歸鄉立校基一分八釐係草庵廟產

三林陳行楊思鄉立第三初級小學校 今名倉橋 在二十一保二十圖倉橋

陳宅

原名三林分設第七小學校見續志

民國二年改

三林陳行楊思鄉立第四初級小學校 今名三圭 在二十一保十七圖三官

堂民國九年由三鄉學校聯合會建屋設立

秦錫田記 記曰良弓之子必學為箕良冶之子必學為裘言習慣之自然也諺曰蓬生麻中不扶自直白沙在泥與之俱黑喻習俗之移人也人生不幸入居黑暗之家庭出接鄙陋之社會陰賊險狠視為當然殘酷貪婪無所不至卒至觸文網犯刑律而猶不自知其非豈天性然哉夫亦風俗之不良教化之未善有以致之耳今使大庭廣眾之中執盜賊而謂之曰爾為賊爾為盜其人必慚且忿執盜賊之子而謂之曰若父為賊若父為盜其人必憤而爭是人皆知盜賊之不可為與為盜賊之可羞可恥也是所謂是非之心人皆有之羞惡之心人皆有之也古之君子知人性之本善而淪亡於物欲之外誘也於是設為庠序學校之教申以孝弟忠信之義誘而掖之優而柔之使之童而習之以保存其固有之天良而不至牿亡於日晝然後閑以法律濬以術智鼓舞以實業內之有禮法之防維外之無飢寒之困苦中人以上可以為善中人以下可以無過人人納之於軌範之中故人人有國民之資格也吾鄉十七圖地窄而修介居南滙縣境之間又密邇百餘年之賊窟先君子慮其風之滄染吾鄉也光緒季年設義塾於三元道□旋以費絀中止觀東有李氏祠蒙師設塾於中鄉農藉以識字者十餘年矣去夏蒙師歿鄉之人懼子弟之失學余與雲翹胡君謀度地於道觀之西建屋三楹二為教室一為教員室工三閱月而畢糜銀幣八百圓購備校具又糜銀一百元校前為運動場校後為廁所校後隙地留待後來之擴充屋宇軒爽空氣清澄今秋始業學生達六十人魯頌有之曰翩彼飛鴉集于泮林食我桑椹懷我好音蓋天下無不可

上海縣志

卷九

三十六

格之物亦無不可化之人人果潔已以進吾援互鄉童子之例以納之而與吾鄉之子弟授以同等之教材使之滌舊污端蒙養尊人格重公德以漸收易俗移風之效斯則余紹述先君子之微意而吾鄉父老所樂觀厥成者乎校基故屬道觀廟祝之香火地也為購觀南地以互易之田額一畝五分六厘價值一百二十五圓中華民國九年十月學校聯合會長秦錫田撰奉賢朱聲樹書

三林陳行楊思鄉立第五初級小學校在二十一保二十九圖金家蕩
民國十年由三鄉學校聯合會賃屋設立

三林陳行楊思鄉立第六初級小學校 今名顧涇 在二十一保十七圖先設
在康家庵民國十年由三鄉學校聯合會購地建屋遷立

三林陳行楊思鄉立第七初級小學校 今名排馬 在二十一保二十九圖莫

宅

原名志新二年由趙國芹創設

十年由三鄉學校聯合會接辦

三林陳行楊思鄉立第八初級小學校在二十一保二十八圖 原名長壽賃秦公祠

為校舍三年改稱陳行鄉立第七小學 十一年由三鄉學校聯合會遷屋承辦

右陳行鄉

鄉立第一初級小學校 原名 養智 在二十四保七圖 見續志 民國元年改歸鄉立

專辦初等嗣購校址地二畝七分 用銀約四百圓 四年建校舍七間 用銀約一千八百圓

鄉立第二初級小學校 原名 競立 在二十四保三圖 見續志 民國元年改歸鄉立

邑人陳義生續捐校址地八分五年建校舍五間 用銀約一千二百圓

鄉立第三初級小學校 原名 八圖 在二十四保副八圖邑人朱能繩創辦民

國元年改歸鄉立校基賃民田九年建茅舍七間 用銀約五百圓

鄉立第四初級小學校 即三林分設第六 在二十四保十并十一圖 見續志 民國元年

改為私立永思小學校三年歸鄉立校址地一畝八分四年建校舍

五間在佛照寺前 用銀約八百圓 十年新建三間在蕩里 用銀約五百圓

鄉立第五初級小學校在二十四保十并十一圖周家渡民國四年賃

屋開辦嗣購校址地二畝四分 用銀三百五十圓

上海縣志

卷九

鄉立第六初級小學校 原名 三林分設第五 在二十四保六圖曹家宅 見續志 民國元年

三鄉學校聯合會改為三鄉公立第二初等小學校五年購校址地

一畝 用銀二百圓 建校舍五間 用銀一千六百圓 皆由三鄉學校聯合會支撥八年改

今名

鄉立第七初級小學校在二十四保九圖張家宅民國八年秋創辦十

一年購校址地三分五釐修葺舊屋三間為校舍 用銀二百五十圓

鄉立第八初級小學校在二十四保七圖胡巷民國九年春賃屋創設

鄉立第九初級小學校在二十四保六圖陳家術民國九年秋賃屋創

設

鄉立第十初級小學校在二十四保五圖東橋民國九年秋創設租地

建校舍三間 用銀五百圓

鄉立第十一初級小學校在二十四保七圖姚劉家宅民國九年秋創設租地建茅舍三間用銀二百八十圓

鄉立第十二初級小學校在二十四保五圖長壽庵民國九年秋創設購校址地一畝七釐七毫用銀一百六十元

鄉立第十三初級小學校在二十四保七圖施家宅民國十年秋創設校址地一畝五毫用銀一百五十元建校舍二間用銀五百五十元

鄉立第十四初級小學校在二十四保五圖十年春創設租地建校舍三間用銀六百圓

右楊思鄉
學校下

交通部南洋大學原名郵傳部高等實業學堂

在城西徐家匯海格路見續志

民國元年改

上海縣志

卷九

三十八

名交通部高等工業專門學校設土木工科及電機科三年所轄之吳淞商船學堂改隸海軍部五年建材料試驗廠七年建圖書館采歐美最新式規模頗為宏敞藏中文書三萬餘冊西文書三千餘冊是年添設鐵路管理專科九年建西教室鍋爐間無線電試驗室水力學試驗塔十年秋改名交通大學上海學校十一年夏改定今名設管理科學電機機械土木五學院中院改稱南洋模範中學設初中高中各三級

同濟大學

原名同濟德文醫學堂

在寶昌路南法華路光緒三十三年德國醫學博

士寶隆創辦建校舍於白克路見續志嗣改遷吳淞設醫科工科理科

三學院附設高級中學

暨南大學原名暨南學堂光緒三十二年開辦民國十一年改商科大

學十六年改國立暨南大學遷真茹設文學院理學院商學院附設中學分初中高中各三班高中師範科三班

右國立大學

震旦大學

原名震旦學
院見續志

在呂班路光緒二十九年丹徒馬良創辦設法工

醫三院法律政治經濟土木電機化工數理醫學牙科八系

復旦大學清光緒三十一年丹徒馬良創辦假吳淞提署爲校舍民國二年夏兵事起校舍燬校長李登輝商通當道遷法華東鎮李文忠公祠是校程度分大中兩部大學設四院經費歷由政府補助十年在江灣翔殷路購地建築校舍落成後大學及附中遷往新校舍中學分高中初中兩部高中分文理商三科初中不分科高中初中各分三級復旦實驗中學在江灣翔殷路亦分高中初中二部學生所

上海縣志

卷九

三十九

組織之義務小學仍在

滬江大學在楊樹浦軍工路光緒三十二年創辦設文科理科教育科

商科四學院附設中學分高中初中各三級

中國公學在江灣文治路清光緒三十二年創辦設有文學法律政治經濟商業四系

大同大學在滬杭車站南民國元年三月立達學社社員創辦

原名大同學院

一年改今名校地廣袤規模宏大設文科理科商科三院英文數理

兩專科爲私立大學之冠並附設中學分七級

記欲述大同創辦史不
得不溯立達學社立達學社者

發起於民國紀元前一年首夏其時同志十一人皆任教燕都講學勵志成抱宏願爰結契約合成法團以期厚集羣力爲建立事業之儲備越半載民軍舉義同人陸續南還聚於海上慨社會之不良公私學校大半外粉飾而內敷衍教育有類機械反使學者天賦能力未由發展同人以爲不事改良種族將積漸退化願寄人籬下志願既無以自伸散處四方學殖亦日就荒落於是自行設立學校之議而大同學院乃於民國元年三月十九日誕生當是時社員戚屬之知其事者殆無不目以爲狂交相勸阻而同人則謂但憂毅力不充不患度支不足乃相約同居滬濱之同志皆委身校事一年以內卽凍餒加身亦

不可離校而行第一學期中除沈商耆先生盡義務月餘外一切職務全由社員擔任居校者既自備雜用之資兼事者更量納薪俸所入心力交瘁境非人所能堪然因志願克償精神愈淬而愈厲其歡欣暢厲之情實出於中心而不能自己也

大同本爲立達興舉事業之一社爲幹而校爲枝惟社員人數成社時僅十一人同年八月加入一人元年三月加入一人四月加入三人八月加入一人二年一月又加入一人除一人入社未久即故外都十七人此十七人者大抵偏於學術雖誦魯齊治生之訓而無烏保比封之才既殫力於校事更無興舉其他事業之餘力且任社職者無不兼任校職校與社遂由自然之趨勢合而不分迄今社務未嘗絲毫發展者以此而大同當艱難竭蹶時得以維持者亦即在此

大同經費不募捐不取官中津貼全恃立達補助立達則仰給於社員社員對於社中之義務計分四項一曰入社金入五圓後改爲十圓二曰常納金月半元三曰量納金各計所入分百一什一兩種規定納之月入百元以上者以十之三爲百一金母數十之七爲什一金母數月入百圓以下三十圓以上者以三十圓爲百一金母數十之七爲什一金母數月八百圓以下三十圓以上者以三十圓爲百一金母數餘爲什一金母數月入三十圓以下者概作百一金母數四曰特納金無定數此爲元年七月所議定者迨五年七月於量納金一項略有修改餘仍舊以上四項收入社中全以撥入大同猶有不足則舉債以濟之債分二種由有力社員貸與社中之金曰內債向外挪移之金曰外債社員中有力之人甚少故爲內債債主者無多人至社員服務於大同所應得之勞薪第一學期悉數捐入社中即上所謂特納金也第二學期規定致全力於大同不兼外事者得月支生活費三十圓兼外事者仍不取第四第五學期始規定得支二成其餘八成仍捐入社以濟大同第六學期以後捐入之數逐年遞減然仍視大同之所需要以定標準焉

大同經濟狀況如上所述誠不免有捉襟見肘之窘所幸同人皆止知義務不知權利協力經營得以免於隕越近數年來頗得非社員之贊助而所延請之大師復不以待遇菲薄而遐棄自今以往視前此之僅恃社員支持或稍易進行乎然而回首前塵所謂自立立人自達達人者其境猶距齊國幾千萬里神

上海縣志

卷九

四十

遊而已此則本社能力之
稚弱同人所當自勵者也

東吳大學法律學院

原名東吳大學第
二中學校見續志

在崑山路民國四年創辦分五級

大夏大學在法華鄉梵王渡民國十三年創辦分文科理科教育科商
科法科工學院及師範專修科附設初中高中科

光華大學在大西路民國十四年創辦設文科理科商科三學院附設
中學分普通科商科

持志學院在閘北水電路民國十四年創辦設文科法科商科三科附
設中學及女子部分初中高中商科普通科

右私立大學

國立音樂專科學校在陶爾斐司路民國十六年十一月創辦十七年
遷畢助路學生宿舍在辣斐德路桃源村設預科專修科選科及特

別選科

國立上海醫學院在海格路三百七十三號民國十六年創辦專授醫科

右國立專科學校

中法國立通惠工商學校在辣斐德路亞爾培路口原係德人所立同濟德文醫工學校歐戰時爲法公董局收管民國十年由中法政府合組是校分大學四級附屬高中三級法文補習班一級校長由中法政府各派一人經費亦由兩國政府分任

右中法國立工學院

江蘇水產學校在吳淞砲台灣民國元年省立設漁撈製造兩科

右省立專門學校

上海縣志

卷九

四十一

中央木工教室民國七年八月上海市經董陸文麓委託中華職業教育社黃炎培代辦每學期令距離較近之市立小學校派遣四五年級生隨時前往學習簡易木工經費由市經董處支給十三年起由市公所支給

右上海市市立專門學校

上海中學在尙文路民國十六年七月由省立第二師範學校商業專科學校改組設初中高中兩部

右省立中學校

格致中學在北海路設高中三級初中三級
育才公學在山海關路光緒二十八年創辦分高中初中高小三部
右公共租界工部局立

中法學校在敏體尼蔭路光緒十二年創辦分普通初中高中科附設小學

右法租界工部局立

南洋中學在外日暉橋

見續志

民國八年得劉垣經募之大達公司捐款

改建宿舍分高中初中各三級

民立中學在大南門中華路光緒三十年邑人蘇本立等捐資創辦

見續志

設高中初中兩級

浦東中學校在浦東六里橋

見續志

光緒三十年創辦民國二年三月添

設工業班預科並得省款補助年三千圓八月開辦工業本科四年附屬高小遷滬南海運局舊址五年六月停辦工業班六年校主楊斯盛銅像落成八年三月建雨中操室及彈子房六月添築教室十

上海縣志

卷九

四十二

幢宿舍九幢八月附設第一國民小學遷設校外設高中初中兩班十二月築跑冰場九年十一月改建爲教員宿舍

澄衷中學校在虹口塘山路

見續志

光緒二十七年葉成忠創辦三十四

年停辦中學民國 年重設並附設初高小學經費均由基金生息撥用設初中八級

愛國女子中學在江灣路塵園清光緒二十八年創辦初在派克路登賢里設本科及預科宣統二年移海甯路天保里設中學小學兩部民國三年呈由江蘇教育廳立案添辦體育科文科畢業生服務社會者達數千人遵教育部學制分設初中高中及高中師範科體育師範科與附屬小學四部校中經費由諸校董募集

明強中學校在閘北寶興路光緒二十一年創辦分高中初中各三級

育材中學原名育材學堂志見續清光緒二十二年邑人王植善創辦初名道前小學堂三十二年遷小東門仁和里易名南洋中學預科民國元年遷大東門王氏省園四年春改稱育材高等小學校仍隸屬於中學十二年秋賃鄰屋開辦初級中學四級小學改爲六年制附屬焉

青年會中學在四川路光緒二十七年創辦分初中及高中普通科思惠女子初級中學在昆明路光緒二十八年創辦設商科三級

城東女子中學在花衣街竹行衙原名城東女學社光緒二十九年創辦見續志設小學初中兩部

中國女子體育師範學校在巨籟達路光緒三十四年創辦設師範科三級

上海縣志

卷九

四十三

崇德女子中學校在北四川路白保羅路光緒三十一年創辦分高中

初中各三級

善導女子初級中學在崑山路光緒三十一年創辦分三級

民立女子中學在老西門文廟路口原名民立女中學堂見續志民國元

年知事吳馨撥文廟西公地四畝五分作校基二年自建校舍設初

中三級高中三級

民國女中學校在威海衛路倚雲里民國元年創辦設六級

廣東初級中學在閘北源寶路民國元年創辦分四級

南洋女子中學在阿拉白司脫路民國元年創辦分初中高中兩班

啓秀女子中學在北四川路東寶興路民國三年創辦分初中高中八

級

同義初級中學在福煦路馬浪路口民國三年創辦設普通科三級
市北中學在閘北永興路宋公園路東首民國四年立設高中初中兩級

上公初級職業中學在白克路北河南路口原名上海公學民國五年創辦分三級

貧兒教養初級中學在膠州路三百九十七號民國五年創辦分三級

人和助產學校在莫利愛路民國六年創辦分二級

坤範女子初級中學在梅白格路青島路口民國七年創辦分初中三級

振德初級中學在愛文義路小沙渡路口民國七年創辦分初中普通

上海縣志

卷九

四十四

科三級

金陵中學在梧州路民國八年創辦設初中班

南洋商科高級中學在海格路善鐘路底民國九年創辦設初中高中各三級

惠靈中學在滬閔路新龍華民國九年創辦分普通科商科各三級

民生中學在北浙江路海甯路南林里民國九年創辦初中三級

兩江女子體育師範學校在江灣翔殷路民國十年創辦分體育與童子軍教練員訓練班二科

羣益女子職業中學在閘北海甯路民國十一年創辦分商業家事兩科

進德女子中學在鄭家木橋民國十二年創辦分初高級

華華中學在愚園路民國十二年創辦分普通科六級
廣肇中學在北四川路橫浜橋民國十二年九月創辦分初中七班
安徽初級中學在閘北中興路民國十二年創辦分三級
南方中學在北四川路崑山路民國十二年創辦設初中高中分普通
科商科

吳淞初級中學在吳淞鎮北民國十三年創辦分三級
同德助產學校在卡德路山海關路民國十三年創辦分四級
惠羣女子初中學校在提籃橋茂海路民國十三年創辦分三級
懷恩初級中學在北四川路寶興路民國十三年創辦分三級
天同中學在狄思威路民國十四年創辦設初中三級
立達學園在江灣立達路民國十四年創辦設初中高中兩部分普通

上海縣志

卷九

四十五

及農村教育科

中德助產學校在麥根路泰來里民國十四年創辦分四級
東南女子體育師範學校在江灣翔殷路民國十四年創辦分三級
培明女子中學在麥根路新橋民國十四年創辦設初中高中師範科
培成女子中學在小沙渡路民國十四年創辦分高中初中各三級
錢業初級中學在北河南路蓬路民國十四年創辦分三級附設小學
滬東初級中學在楊樹浦路民國十四年創辦分三級
明德中學在徐家匯天鑰橋路斜土路口民國十五年創辦分七級
泉漳中學在外日暉橋民國十五年創辦分初中高中兩部
正風中學在姚主教路麥尼尼路口民國十五年創辦設三科十一級
仿德女子初級中學在董家渡西橫街民國十五年創辦分三級

道中女子中學在愛文義路大通路口民國十六年創辦分初中三級
新民中學校在江灣北柵外民國十六年創辦分初中高中兩部高中
分普通科商科每科各三級

肇基初級中學在曹家渡民國十六年創辦分三級

審美女子中學在梅白格路民國十六年創辦分初中高中各三級

曉明女子初級中學在天主堂街民國十六年創辦分三級

協進初中在愚園路膠州路口民國十六年創辦分初中三級

青年中學在霞飛路民國十六年創辦分初中及高中普通科

青華中學在跑馬廳派克路定興路口民國十六年創辦分初中三級

上海中學在膠州路民國十六年創辦分初中高中兩科

旦華初級中學在虹口沈家灣西嘉興路民國十六年創辦設三級

上海縣志

卷九

四十六

民智初級中學在新閘路民國十七年創辦

智仁勇女子中學在西摩路威海衛路口民國十七年創辦分初中高

中各三級

求德女子初級中學在新閘大通路培德里民國十七年創辦分初中
三級

君毅中學在國貨路普育東路民國十七年創辦設初中高中六級

建國中學在閘北止園路民國十七年創辦設高中初中兩部

上海幼稚師範學校在柃榔路民國十七年創辦分簡易科六級舊制

二級本科四級

國華中學在戈登路勞勃生路口民國十七年創辦分高中初中兩班

右私立中學

中國體操學校志見續清宣統二年遷尙文門外民國四年遷林蔭路教

育部給教思無窮額九年遷吳興南潯鎮

上海美術專科學校在法租界菜市路民國元年創辦設有中畫西畫
音樂圖案藝術教育等五系

同德醫學院在新大沽路民國七年創辦設醫科七級

東南醫學院分一二兩院一院在眞茹桃浦西路二院在滬軍營東民
國十五年創辦分五級

中華職業學校在陸家浜迎勳路民國七年七月黃炎培創辦附設於
中華職業教育社學科分商科機械科土木工程科校舍工場均新
建

東亞體育專門學校在方斜路慶安里民國七年龐醒躍傅琅齋創設

上海縣志

卷九

四十七

上海女子醫學院在西門方斜路民國十三年創辦設醫科六級

上海工藝專門學校在辣斐德路民國十三年創辦設針織漂染化學
等三科

羣學會聾啞學校民國九年羣學會創立即設中學科分普通及技藝
兩科年有市教育費補助

滬江女子體育專門學校在唐家灣民國十二年創設

上海法政學院在金神父路打浦橋民國十三年創辦設法律及政治
經濟兩系

新華藝術專科學校在金神父路打浦橋民國十五年美術專門學校
停辦教員潘伯英俞寄凡等創辦有國畫洋畫音樂藝術等系

上海法學院在閘北江灣路民國十五年創辦設法律政治經濟商業

四系銀行統計會計稅務專修科

正風文學院在交通路中山路口民國十六年創辦

右上海市私立專門學校

三廉學社在滬甯車站南克能海路民國六年八月鄧履冰創設初名英德文研究社七年二月添辦珠算研究社八月改今名課程爲打字速記珠算英文德文簿記等科後添繙譯部代譯中英德俄日各種文件又添改文科代改社外生郵寄到社之文件十一年八月添幻術科

右開北市私立專門學校

約翰大學校在法華鄉梵王渡見續志光緒五年由美人卜舛濟等設立

分大學中學兩部大學設文理學院神學院醫學院土木工程學院

上海縣志

卷九

四十八

大學院等科校址一百餘畝大學畢業後給與學士學位

按該處並非租界而校中所用

水電均由英租界輸入地方人士以有關主權稟准官廳與該校訂有契約中國水電能通至該地時校中所設之電線水管應立予廢棄改用中國水電並遵公司章程照例給價

聖馬利亞女書院見續志在三涇北初與約翰書院同在梵王渡約翰改

組大學後地位不敷民國十二年於鐵路西購地七十畝建築新校

舍程度分中小兩部現設專科畢業後可直接歐美大學

清心中學在大南門陸家浜路原名清心中學堂見續志咸豐二年創辦

分初中高中分普通科商科

清心女子中學在大南門外陸家浜路原名清心女學見續志咸豐二年

創辦分初中高中各三級

麥倫中學在虹口兆豐路光緒十七年創辦原名麥倫書院見續志分普

通科高中三級初中三級共八級

惠中女子中學在西門斜橋原名惠中女學志 見續 光緒十三年創辦設

初中三級

惠中中學在徐家匯路二十三號光緒十五年創辦分高中三級初中三級

華童公學在北四川路老靶子路赫司克路六十三號光緒三十年創

辦志 見續 分高中三年初中三年預科二年

聖芳濟學校在虹口南潯路志 見續 光緒十年創辦分八級

中西女子中學原名中西女塾在英租界三馬路跑馬場志 見續 光緒十

六年創辦民國七年在億定盤路購上虞經潤山之辰園基址改組遷入分初中高中兩部小學仍在三馬路慕爾堂

晏摩氏女學校光緒二十三年美國柏樂緹女士創辦校址在老北門

上海縣志

卷九

四十九

浸會堂嗣遷北四川路定名晏摩氏女學光緒二十六年復遷回老北門由萬應遠博士捐建校舍民國十三年遷開北北寶興路浸會莊前後均由美人掌校事民國十七年聘中國凌永泉為校長分設高中初中兩部附設小學部經費除收學費外由美國基督教南浸禮會補助

華夏大學在真茹民國十四年創辦兼中學小學設神科英文專科中學分初中高中各三級女初中三級

啓明女子中學原名啓明女學堂志 見續 在徐家匯聖母院民國五年另

購天鑰橋路基地建築新校舍遷入專收教外女生分中小兩部中學分高級中學三級初中三級並設專科有刺繡音樂美術等科畢業試卷送英國阿克福爾大學評定後發給證書

約翰青年會學校初辦小學民國三年校長瞿同慶集貲購曹家渡市西地一方建築校舍遷入學程分中小兩部畢業後可升入約翰大學

徐匯中學原名徐匯公學道光三十年創辦志見續在徐家匯初遵中國

公令專課詩文科舉廢後改設中學及高初小三部照學部定章兼習英法文字內分上中下三院上下院課教徒弟中院課教外學生民國七年添建新校舍於大堂後合教中教外爲一畢業後升入震旦大學院或送外洋專科

徐匯女子中學在徐家匯聖母院橋東咸豐五年創辦設高中初中各三級

英華書館在靶子路四百十二號志見續咸豐二年創設分六級

上海縣志

卷九

五十

裨文女子中學在西門白雲觀隔壁志見續咸豐元年創辦分高中初中

各三級附設小學

聖誕女校在徐家匯聖母院法教會設立專課院中修道貞女中西文並習學程分中小兩部

崇德女學校在徐家匯志見續專收教中寄宿女生由修女教授中學部

之國文課則由男教員擔任而修女亦隨入教室負管理之責

類思小學志見續在天主堂博物院南係徐匯中學之附屬畢業後升入

徐匯中學民國十年另開師範班以養成教會學校教員

幼稚園在聖母院內以修女及保姆掌之由啓明女學生教授取費極廉

慈母堂小學校在土山灣法教會設立專教本堂牧養男童半日讀書

半日習藝

振恤幼女會在盧薛宅東南民國元年建築校舍由美教會西女士教授中西文字

聾啞學校在聖母院法教會設立專收女生由修女研究聾啞教育者教以發音寫算

盲童學校原在北四川路美人傅蘭雅創設民國元年於億定盤路北段購地建築校舍落成後遷入校長傅步蘭專收中國盲童編字母五十四拚切成音用凸點符號令盲童以指摩讀工業有籐器縫紉緞織等科課程與普通小學無異而音樂成績尤著

進行小學校在董家渡街天主堂南民國三年二月由公教進行會創設原名進行初高等小學校假會所餘屋爲校舍經費除學費外年

上海縣志

卷九

五十一

由會中補助公款銀千圓

亞喬書院在方斜路民國十二年崔覺善創設

右教會學校

東亞同文書院在徐家匯虹橋路西火車站左光緒二十六年由日本政府撥款創辦原在高昌廟左近賃屋開辦民國二年燬於兵火遂要求政府賠償巨款卽以之購地四十餘畝跨虹橋路南北建築校舍兩所南部爲中國學生所居北部均日本學生民國五年落成分中學專門兩部專門設工商兩科商業四年畢業工業五年畢業
右外國人學校